

5 Medidas obrigatorias en zona tampón

Para titulares de parcelas vitícolas e operadores profesionais:

- **Vixiar as súas parcelas ou instalacións** e comunicar ás autoridades competentes calquera sospeita ou confirmación da presenza da praga.
- **Aplicar tratamentos fitosanitarios** con insecticidas autorizados contra o insecto vector durante os períodos de voo (meses de verán). A Consellería do Medio Rural publicará na súa páxina web as indicacións para estes tratamentos.
- Os titulares de parcelas de viñedo que estean dentro da zona tampón da FD deberán **eliminar e destruír as plantas sintomáticas** á FD verificadas oficialmente.
- As **plantacións abandonadas** dentro da zona tampón deberán ser **arrincadas e destruídas**.
- **Eliminación das plantas silvestres** do xénero *Vitis* spp., *Ailanthus altissima*, *Alnus glutinosa* e *Clematis* sp., que estean a unha distancia inferior a 10 metros das parcelas de produción e instalacións de operadores profesionais de material vexetal de reprodución de Vitis.

6 Medidas obrigatorias para a circulación de material vexetal de vide

O material de plantación de vide deberá cumprir con algunha das seguintes condicións:

- 1) Proceder **dunha zona libre** de FD.
- 2) Proceder dunhas **instalacións de produción controladas** oficialmente.
- 3) Foran sometidas a un tratamento de **termoterapia** en instalacións autorizadas.

É moi importante que os viticultores adquieran plantas de vide con garantías fitosanitarias e de operadores autorizados que cumpran con estas condicións.



MÁIS INFORMACIÓN

No caso de sospeita da presenza da enfermidade, notifícalo á autoridade competente de sanidade vexetal aos seguintes contactos:

SERVIZO DE EXPLOTACIÓNS AGRARIAS DE PONTEVEDRA

explotacionsagrarias.cmr.pontevedra@xunta.gal
T: 986 805 446 / 886 206 547

SERVIZO DE EXPLOTACIÓNS AGRARIAS DE OURENSE

sea.cmr.ourense@xunta.gal
T: 988 386 687 / 988 386 571

SERVIZO DE SANIDADE E PRODUCCIÓN VEXETAL SANTIAGO DE COMPOSTELA

ssp.cmr@xunta.es
T: 881 997 443 / 981 540 060

SERVIZO EN CAMPO-TRAGSATEC

T: 699 031 725



Planta de variedade de uva tinta con síntomas de flavescencia dourada. Fonte: Xunta de Galicia



Flavescencia dourada da vide

MEDIDAS DE ERRADICACIÓN NAS ZONAS DEMARCADAS

Flavescencia dourada da vide

1 Descrición

A praga **Flavescencia dourada da vide** (FD), provocada polo organismo nocivo denominado *Grapevine flavescence dorée phytoplasma*, é unha praga corentenaria da Unión, regulada no Regulamento (UE) 2019/2072 e no Regulamento (UE) 2016/2031. O cicadélido *Scaphoideus titanus* é o **insecto vector** desta praga.

2 Síntomas nas plantas infectadas

- **Enrolamento de follas** cara ao envés.
- **Atraso no agromado.**
- **Ausencia de produción:** os acios secan e non chegan en ningún caso a madurar.
- Disposición das **follas dentro da videira en forma de tellas** ou **escamas** de peixe.
- **Coloración das follas vermella** (variedades tintas) ou **amarela** (variedades brancas).
- As videiras toman **porte desmaiado**, coma se fosen de goma, dándolle á cepa un **aspecto chorón**.
- **Falta total de agostamento** das videiras.
- **Mortalidade** total ou parcial das cepas.

Imaxe *Scaphoideus titanus* adulto
Fonte: Estación Fitopatolóxica do Areeiro (Deputación de Pontevedra)

3 Distribución en Galicia

Debido á **presenza da praga en Portugal**, en puntos próximos a Galicia, no ano 2022 estableceuse unha zona tampón en Galicia de 2,5 km coa fronteira con Portugal que abrangue varios concellos de Pontevedra e Ourense. A praga foi detectada por primeira vez en Galicia a finais do ano 2022. O 2 de febreiro do ano 2023 publicouse a Resolución do 20 de xaneiro de 2023, que declarou a presenza da praga en Galicia, estableceu unha zona demarcada e adoptou medidas urxentes para a súa erradicación e control.

Durante o ano 2023 producíronse novas deteccións deste organismo nocivo, o que fixo preciso ampliar a zona demarcada e modificar as medidas a través da publicación da Resolución do 9 de novembro de 2023, da Dirección Xeral de Gandaría, Agricultura e Industrias Agroalimentarias. A nova zona demarcada da FD está formada pola zona infestada, que son as parcelas onde se confirma a súa presenza e unha zona tampón arredor desta.

Na páxina web da CMR poderase consultar a listaxe de concellos e parroquias e o mapa de zonas demarcadas



<https://mediorural.xunta.gal/es/temas/agricultura/sanidad-vegetal/organismos-nocivos-de-cuarentena>



Planta de variedade de uva branca con síntomas de flavescencia dourada. Fonte: Xunta de Galicia

4 Medidas obrigatorias en zona infestada

Para titulares de parcelas vitícolas:

- **Eliminación e destrución**, baixo control oficial, de todas as plantas de vide confirmadas como infestadas pola FD e todas as **plantas sintomáticas** da parcela, o antes posible e, a máis tardar, nos 20 días seguintes dende a notificación oficial.
- **Aplicación de tratamentos fitosanitarios** con insecticidas autorizados en todas as plantas da parcela infestada de forma inmediata e, a máis tardar, nun prazo de 10 días dende a notificación.

Para operadores profesionais:

- **Eliminación e/ou destrución**, baixo control oficial, da planta confirmada positiva pola FD.
- **Inmovilización oficial de todas as plantas** de vide das instalacións ou parcelas, que serán analizadas por lotes. Só poderán ser comercializados os lotes de plantas con resultado negativo á FD ou que reciban un tratamento de termoterapia nunha instalación autorizada.